

Ruiz de Alegria: «Eskuzabalak izango gara armak utziz gero»

Pedro Luis Ruiz de Alegria Madrileko Gobernuak Nafarroarako izendatu berri duen ordezkaria ETArekin hitz egitearen aldekoa da. Era berean, ez du baztertzen odol delituak dituzten etakideen bergizarteratzea, «armak utziz gero, demokrazia oso eskuzabala izaten baita beti».

IRUÑEA

Bizkaiko Labe Garaietan Jose Luis Corcuera Barne ministroaren lankide izan zen bizkaitar honek «irmotasuna» agindu zuen iragan abenduan, ordezkari karguaz jabetu zenean. Hala ere, elkarriketaren alde agertzen da, «hitz egiteko gai dena askoz ere irmoagoa» dela uste du eta. Aitzitik, elkarriketaren bidea ixteak «segurtasunik eza» adie-

razten duela iruditzen zaio Ruiz de Alegriari. Beti ere, elkarriketari ekiteko ETak armak utzi beharko lituzkeela azpimarratu du Gobernuaren ordezkariak.

Ildo beretik, armarik gabe demokrazia «oso eskuzabala» izango litzatekeela eta odol delituak dituztenek ere bergizarteratzeko aukera luketeela uste du Ruiz de Alegriak. «Tunelaren amaieran argia» ikusten duela esan arren, arretaz jokatzeko gomendatzen du.

Bestalde, Herri Batasunarekin harremanak edukitzeko prest agertu da sozialista, «nafar guztientzat naizelako Gobernuaren ordezkari». Ruiz de Alegriaren irudiko, HBko zenbait kidek ez-baian jartzen dute indarkeria eta hori positiboa da, «duela lau urte pentsaezina zelako. Are gehiago, orduan arriskutsua izan zitekeen zalantzak azaltzea».

Nafarroan hilabete eskas daraman arren, bertan harrera ona



Ruiz de Alegria (ezkerrean) Alli lehendakariarekin.

egin diotela dio Garcia Villosladaren ordezkioak. Bere ustez, Foru Komunitateak ahal dituen eskumen guztiak hartu ditu bere gain eta, ondorioz, Gobernuaren ordezkariaren eskumenak nabarmen gutxitu dira. Hala ere, Gobernuaren ordezkariaren betebeharra defenditzen du.

Bere burua «euskal espainiar-tzat» dauka. Era berean, autonomista sutsua dela dio, abertzale-tasuna gogoko ez duela ezkutatu gabe ordea. Ruiz de Alegriaren

esanetan, «abertzale izateak Espainia gorrotatzea dakar lehen eta, gero, separatista izatea». Halaber, nazionalismoek «Espainia deuseztatu» nahi dutela uste du.

PSE-PSOeko kidea, aurreko legegintzaldian Jaurilaritzako Herrilan eta Garraiobideetako sailburua izan zen. Bere alderdiak eta Euskadiko Ezkerrak atzo izenpetu zuten bategiteari dago-kionez, bien mesederako izango dela aurrikusi du Ruiz de Alegriak.

Alli, Valade eta Ardanza Dantxarinean bilduko dira

IRUÑEA

Juan Cuz Alli Nafarroako gobernuburua, Jacques Valade Akitaniako burua eta Jose Antonio Ardanza Euskal Autonomi Elkarteko lehendakaria Dantxarinean bilduko dira hurrengo larunbatean, hilaren 16an. Berez, bilera urtearen lehen egunean egitekoak ziren, Europako Elkarteko mugen desagerpena ospatzeko, baina azkenean atzeratu egin zuten.

Topaketa hau iragan abenduaren 18an iragarri zuten Ardanza eta Valadek, Bordelen egindako elkarriketaren. Egun hartan bi herrialdeen arteko lankidetzat ituna izenpetu zuten Euskal Autonomi Elkartea eta Akitaniako lehendakariak. Orduan Abiadura Handiko Trenari bide egitea eta Nafarroarekiko lankidetzat izan ziren aipagai nagusiak.

Edo zuk nahi izanez gero...



EPERAKO
EZARPENA

Interesa
bikoiz
dezakezu

Euskadiko Kutxan, urtarrilaren 9tik otsailaren 12ra bitartean, interes-tasarik harrigarrienak:

6 hilabeteko interesa bikoiztu dezakezu Eperako Ezarpenetan -6 hilabete edo urte bat-

Ostiralero, aste horretan egindako ezarpenen azken kontu-zenbakia zozketan sartzen da.

Adibidez: 3.000.000 pezetak, 6 hilabeteko epean, % 11 (UTB % 13,30). Tokatzen bazaizu (hamarretik bateko aukera daukazu), %22 emango zaizu. 6 hilabetez.

Informa zaitez gure edozein sukurtsaletan edo 900 555 900 zenbakira deituta, astelehenetik ostiralera, 8etatik 17etara.



CAJA LABORAL
EUSKADIKO KUTXA